

Na osnovu člana 143. Zakona o srednjem obrazovanju ("Službene novine Kantona Sarajevo" broj: 23/17, 30/19 i 33/21), Pravilnika o vrstama vlastitih javnih prihoda u Federaciji Bosne i Hercegovine ("Službene novine Federacije BiH" broj: 104/22), Smjernica u vezi donošenja akta o vlastitim javnim prihodima broj: 11-07/01-11-1134-1/23 od 25.04.2023. godine, i izmjene Smjernica Ministarstva za odgoj i obrazovanje KS a u vezi donošenja akta o vlastitim javnim prihodima broj: 11-07/01-11-1134-2/23 od 11.05.2023.godine, Školski odbor na 22. sjednici održanoj dana 15.05.2023. godine, *d o n o s i*:

P R A V I L N I K
o korištenju vlastitih javnih prihoda
Javne ustanove „Srednja građevinsko - geodetska škola“ Sarajevo

I. OPĆE ODREDBE

Član 1.
(Predmet Pravilnika)

Pravilnikom o korištenju vlastitih javnih prihoda (u daljem tekstu: Pravilnik) JU Srednja građevinsko - geodetska škola Sarajevo (u daljem tekstu: Škola) utvrđuju se vrste, osnov sticanja, visina naknade i raspodjela vlastitih javnih prihoda Škole.

Član 2.
(Vlastiti prihodi)

Vlastiti prihodi Škole su javni prihodi Budžeta Kantona Sarajevo (u daljem tekstu: Budžet), a raspoređuju se u skladu sa Pravilnikom o vrstama vlastitih javnih prihoda u Federaciji Bosne i Hercegovine ("Službene novine Federacije BiH" broj: 104/22), Smjernicama u vezi donošenja akta o vlastitim javnim prihodima Ministarstva za odgoj i obrazovanje Kantona Sarajevo, broj: 11-07/01-11-1134-1/23 od 25.04.2023.godine i broj: 11-07/01-11-1134-2/23 od 11.05.2023.godine (izmjena) i ovim Pravilnikom.

II. KRITERIJI

Član 3.
(Kriteriji za ostvarivanje vlastitih javnih prihoda)

- (1) Kriteriji za ostvarivanje vlastitih javnih prihoda su da:
- a) prihod ne spada u kategoriju poreza, doprinosa, taksi, naknada i kazni;
 - b) prihod nije kao javni prihod propisan posebnom odredbom u zakonu;
 - c) prihod se ostvaruje obavljanjem aktivnosti na tržištu i u tržišnim uslovima, za aktivnosti koje mogu obavljati i drugi pravni subjekti na tržištu, odnosno ne postoji zakonska isključivost da aktivnost vrši samo određen pravni subjekt.
- (2) Kriterij za utvrđivanje vlastitih javnih prihoda Škole iz stava (1) ovog člana primjenjuju se na kumulativnoj osnovi.

III. UPLATA VLASTITIH JAVNIH PRIHODA

Član 4. (Uplata vlastitih javnih prihoda)

Uplata vlastitih javnih prihoda vrši se u skladu sa članom 8. Pravilnika o vrstama vlastitih javnih prihoda u Federaciji Bosne i Hercegovine („Službene novine Federacije BiH“, broj 104/22).

IV. PRAVNI OSNOV

Član 5. (Pravni osnov ostvarivanja vlastitih javnih prihoda)

- (1) Pravni osnov za ostvarivanje vlastitih javnih prihoda Škole je:
- a) Zakon o srednjem obrazovanju;
 - b) Zakon o obrazovanju odraslih.

V. VRSTE VLASTITIH JAVNIH PRIHODA

Član 6. (Vrste vlastitih javnih prihoda)

Škola stiče vlastite prihode po osnovu:

- a) realizacije akreditovanih programa obrazovanja odraslih,
- b) realizacije obrazovanja vanrednih kandidata/učenika,
- c) izdavanje izvoda iz nastavnog plana i programa,
- d) izdavanja opreme i prostora u zakup,
- e) prodaje otpadnog materijala,
- f) prodaje proizvoda i usluga koje izrađuju učenici u toku praktične nastave,
- g) reklamno - propagandnih usluga,
- h) realizacije pedagoško - metodičke prakse studenata (hospitovanje),
- i) ustupanje tenderske dokumentacije u postupku javnih nabavki i
- j) kopiranja i uvezivanje pisanog materijala.

VI. NAKNADA ZA REALIZACIJU USLUGA

Član 7. (Naknada za realizaciju usluga)

- (1) Naknada za realizaciju usluga iz člana 6. ovog Pravilnika utvrđuje se kako slijedi:

a) Naknada za troškove programa formalnog obrazovanja odraslih:

Četvrti i treći stepen stručne sprema/zanimanja; Arhitektonski tehničar, Građevinski tehničar, Geodetski tehničar - geometar, Zidar - fasader, Keramičar - podopolagač, Moler - farbar, Armirač - betonirac, Tesar - krovopokrivač.

- Upisnina za programe formalnog obrazovanja odraslih - 60,00 KM
- Ispit bez pismenog dijela - 40,00 KM
- Ispit sa pismenim dijelom - 50,00 KM
- Ispit iz praktične nastave - 50,00 KM
- Završni/maturski ispit - 150,00 KM
- Instrukтивna nastava po času za 10 i više od 10 kandidata 5,00 KM
- Troškovi praktične nastave tehničkih zanimanja 30,00 KM
- Troškovi praktične nastave stručnih zanimanja 50,00 KM

a.1.) Naknada za troškove programa neformalnog obrazovanja odraslih:

Programi neformalnog osposobljavanja odraslih za zanimanja: tehnički crtač u autocadu, geodetski operator, keramičar -podopolagač, moler - farbar, tesar - krovopokrivač, armirač - betonirac, radnik na izvođenju konstruktivnih radova u građevini i program osposobljavanja za pomoćnog radnika na poslovima obrade geodetskih obrazaca.

- Akreditovani programi neformalnog obrazovanja odraslih za grupu 10 plus polaznika - 650,00 KM. (ukupni troškovi obuke, trajanje obuke 120 sati).
- Akreditovani programi neformalnog obrazovanja odraslih za grupu 10 plus polaznika - 1.500,00 KM. (ukupni troškovi, trajanje obuke 360 sati).

b. Sticanje srednjeg obrazovanja

a) upisnina za školsku godinu	55,00 KM
b) instruktivna nastava za grupu od 10 i više kandidata (po času)	5,00 KM
c) instruktivna nastava za grupu do 10 kandidata (po času)	10,00 KM
d) ispit bez pismenog dijela	33,00 KM
e) ispit sa pismenim dijelom	45,00 KM
f) ispit iz praktične nastave	45,00 KM
g) maturski/završni ispit sa praktičnim dijelom	80,00 KM
h) troškovi praktične nastave-grupacija srednjih škola mašinske, elektrotehničke, građevinske, grafičke, drvnoprerađivačke, poljoprivredno-prehrambene, veterinarske tekstilne i trgovinske struke.	33,00 KM

c. Izdavanje prepisa/duplikata dokumenta

a) izdavanje izvoda iz nastavnog plana i programa	66,00 KM
---	----------

d. izdavanje opreme i prostora u zakup:

- izdavanje opreme i prostora pod zakup, kao i visinu naknade za zakupninu utvrđuje Školski odbor Škole, a u skladu sa zakonom i podzakonskim aktima kojima se reguliše izdavanje poslovnih zgrada i prostorija.

e. visina naknada za realizaciju ostalih usluga:

- visinu naknada za ostale usluge iz člana 6. tačke: e), f), g), h), i) i j) utvrđuje školski odbor Škole.

VII. PRIPADNOST I RASPODJELA VLASTITIH JAVNIH PRIHODA

Član 8.

(Pripadnost vlastitih prihoda)

Vlastiti javni prihodi ostvareni shodno odredbama ovog Pravilnika pripadaju Školi i uplaćuju se na: Transakcijski račun: 1411965320008475, Budžetska organizacija 2103023, a raspoređuje se shodno odredbama ovog Pravilnika.

Član 9.

Ostvareni vlastiti javni prihodi u cjelosti se raspoređuju Školi kao budžetskom korisniku koji je prihod i ostvario.

Član 10.

(Način raspodjele vlastitih javnih prihoda)

- (1)** Prihodi iz člana 6. stav (1) tačka **a)** ovog Pravilnika koje Škola ostvari po osnovi realizacije akreditovanih programa odraslih, a u skladu sa odlukom školskog odbora Škole i ovim Pravilnikom.
- (2)** Prihodi iz člana 6. stav(1) tačka **b)** ovog Pravilnika (realizacija obrazovanja vanrednih kandidata/učenika) sastoji se od prihoda – naknada za realizaciju usluga i to:
 - a)** upisnina za školsku godinu
 - b)** instruktivna nastava
 - c)** ispiti
- (3)** Prihodi iz stava (2) tačka **a)** ovog člana (upisnina za školsku godinu), raspoređuje se:
 - a)** 60% za naknade radnicima koji učestvuju u realizaciji poslova – izvršiocima administrativnih poslova koji se ne odnose na izvođenje ispita za vanredne kandidate/učenike i to:
 - a.1. voditelju vanrednih ispita 35%
 - a.2. sekretaru 25%
 - a.3. direktoru 25%
 - a.4. računovodstvu 15%
 - b)** 20% za izdatke za materijal, sitan inventar i tekuće transfere, i
 - c)** 20% za nabavku stalnih sredstava.
- (4)** Prihodi iz stava (2) tačka **b)** ovog člana (instruktivna nastava), raspoređuju se:
 - a)** 60% za naknade radnicima koji sudjeluju u realizaciji poslova i to:
 - a.1. nastavniku koji izvodi instruktivnu nastavu za grupu od 10 i više kandidata -15 KM (slovima:petnaest KM) po času;
 - a.2.nastavniku koji izvodi instruktivnu nastavu za grupu do 10 kandidata-5 KM (slovima: pet KM) po času;

a.3.ostatak prihoda nakon isplata izvršiocima iz alineja a.1 i a.2. ostalim radnicima izvan nastave koji su sudjelovali u realizaciji poslova vezanih za izvođenje instruktivne nastave, i to:

- a.3.1) – direktor 30%
- a.3.2) – sekretar 30%
- a.3.3) – voditelju vanrednih ispita 20%
- a.3.4) – računovodstvu 10%
- a.3.5) – pomoćno i tehničko osoblje – ukupno 10%

b) 20% za izdatke za materijal, sitan inventar i tekuće transfere, i

c) 20% za nabavku stalnih sredstava.

(5) Prihodi iz stava (2) tačka c) ovog člana (ispiti) raspoređuju se:

a) 60% za naknade radnicima koji sudjeluju u realizaciji poslova, i to:

a.1. 40% od cijene ispita za naknade ispitivaču;

a.2. 40% od cijene ispita za naknade ostalim članovima ispitne komisije zajedno, koja se raspodjeljuje:

a.2.1.) 60% predsjedniku ispitne komisije,

a.2.2.) 40% članu ispitne komisije,

a.3. 20% od cijene ispita za naknade ostalim radnicima izvan nastave koji su učestvovali u realizaciji poslova, i to:

a.3.1.) voditelj vanrednih ispita 35%

a.3.2.) sekretar 25%

a.3.3.) direktor 25%

a.3.4.) računovodstvo 15%

b) 20% za izdatke za materijal, sitan inventar i tekuće transfere, i

c) 20% za nabavku stalnih sredstava.

(6) Prihodi od naknada za realizaciju usluga iz člana 6. stav (1) tačka **c)** ovog Pravilnika (izdavanja prepisa/duplikata dokumenta), raspoređuju se:

a) 40% za materijalne troškove, tekuće održavanje i nabavku opreme;

b) 30% za naknadu radnicima koji su sudjelovali u realizaciji poslova

c) 30% za stručno usavršavanje, sportske i kulturne aktivnosti, takmičenja, nagrade učenicima i ostale namjene.

(7) Prihodi od naknada za realizaciju usluga iz člana 6. stav (1) tačke: **d)** izdavanja opreme i prostora u zakup, **g)** reklamno-propagandnih usluga, **i)** ustupanja tenderske dokumentacije u postupku javnih nabavki i **j)** kopiranja i uvezivanja pisanog materijala, raspoređuju se:

a) 70% za materijalne troškove, tekuće održavanje i nabavku opreme,

- b) 30% za stručno usavršavanje, sportske i kulturne aktivnosti, nagrade učenicima, ekskurzije i ostale namjene.
- (8) Prihodi od naknada za realizaciju usluga iz člana 6. stav(1), tačke: e) prodaja otpadnog materijala, f) prodaje proizvoda i usluga koje izrađuju učenici u toku praktične nastave i h) realizacija pedagoško-metodičke prakse studenata (hospitovanje), raspoređuju se:
- a) 20% za materijalne troškove, tekuće održavanje i nabavku opreme;
 - b) 80% za stručno usavršavanje, sportske i kulturne aktivnosti, takmičenja, nagrade
- (9) Procenti ili iznosi od prihoda – naknada za realizaciju usluga iz ovog člana se odnose na ukupna sredstva ostvarena po svakom osnovu, a u okviru ovih sredstava raspodjela se odnosi na naknade u neto iznosu i pripadajuće poreze i doprinose (bruto iznos).

VIII. PRAĆENJE I RASPOREĐIVANJE VLASTITIH PRIHODA

Član 11. (Praćenje naplate i raspoređivanje vlastitih prihoda)

- (1) Škola je u obavezi da redovno prati, putem izvještaja koje dobije od Ministarstva finansija, dospelost i naplatu vlastitih javnih prihoda. Škola je odgovorna za potpuno i pravovremeno uplaćivanje vlastitih javnih prihoda na depozitni račun.
- (2) Škola je odgovorna za potpuno i pravovremeno uplaćivanje vlastitih prihoda na depozitni račun.
- (3) Škola je dužna da ostvarene i naplaćene vlastite javne prihode rasporedi na rashode u finansijskim mjesečnim planovima izvršavanja Budžeta.
- (4) Vlastiti javni prihodi moraju se utrošiti do kraja budžetske godine, a neutrošeni dio vlastitih javnih prihoda postaje javni prihod Budžeta naredne godine.

IX. IZVJEŠTAJ O UTROŠKU VLASTITIH JAVNIH PRIHODA

Član 12. (Izvještaj o utrošku)

- (1) Škola je u obavezi najmanje jedanput u šest mjeseci Ministarstvu za odgoj i obrazovanje Kantona Sarajevo dostaviti izvještaj o sticanju i utrošku vlastitih prihoda.

X. ZAVRŠNE ODREDBE

Član 13. (Donošenje Pravilnika)

Škola je u obavezi ovaj Pravilnik dostaviti Ministarstvu za odgoj i obrazovanje Kantona Sarajevo, koje će u skladu sa Smjernicama broj: 11-07/01-11-1134-1/23 od 25.04.2023. godine i broj: 11-07/01-11-1134-2/23 od 11.05.2023. (izmjena, isti uputiti Vladi Kantona Sarajevo radi dobivanja saglasnosti na Pravilnik.

Član 14.
(Prestanak važenja Pravilnika)

Stupanjem na snagu ovog Pravilnika prestaje da važi: Pravilnik o korištenju vlastitih prihoda Javne ustanove Srednja građevinsko - geodetska škola Sarajevo, broj: 04-1816/17 od 04.12.2017. godine.

Član 15.
(Stupanje na snagu)

Ovaj Pravilnik stupa na snagu danom donošenja, a primjenjivat će se od dana dobijanja saglasnosti Vlade Kantona Sarajevo i biće objavljen na oglasnoj ploči škole i web stranici škole.

Djelovodni broj: 04-831/23
Sarajevo, 15.05.2023.godine

Predsjednik Školskog odbora

Dr. Emir Avdagić